

《中國地方藝文薈萃》編輯委員會 編

學苑出版社

中國地方藝文薈萃

華東卷·鄭國編 全

華東卷·第四輯

叁

中國地方藝文薈萃

《中國地方藝文薈萃》編委會 編

貴州師範學院內部使用

梅會詩選十二卷二集十六卷
三集四卷附刻一卷（三）

神州师范学院内部使用

梅會詩選十二卷二集十六卷三集四卷附刻一卷(三)

(清) 李稻塍 (清) 李集輯

據清乾隆三十二年(一七六七)寸碧山堂刻本影印

梅會詩選三集卷第三

李 稻 騰 編次

朱稻孫 八首

稻孫字稼翁號芋陂又號娛邨檢討彞尊之孫

文學昆田子以明經考授縣丞被薦入春秋經

局兩舉博學鴻詞科赴試未售有六峰閣詩集

詩話查夏重云唐以來稱詩家無過少陵杜氏

陵家法實本乃祖勝部公然其父奉天公閑初

不以詩名其子宗文宗武嗣業亦未聞有詩傳

後也稼翁為竹垞太史之孫西峻文學之子自

潛采堂者類皆當代名流稼翁周旋函文言論

風規漸濡有素故其詩磊砢多英寓懷蘊藉宮

商抗墜句酌字斟有肆好之風無雕繪之習信

能繼其家聲者父子祖孫人各有集實已遠矣

少陵寧非憾 林成事與

三

芳樹

芳樹何婆婆，非桃復非李。枝棲比翼鳥，實結相思子。亭南澗濱柯，葉成連理綰。緩步行樹間，極目中情起。念我同心人，怳怳不能已。

擬古詩十九首 錄二

依依梁上燕，灼灼園中花。燕飛自差池，花發相周遮。深閨有思婦，獨處感歲華。織素不織縑，蕩子遊狹斜。去去豈能返，咫尺同天涯。

去日已苦多，來日恒苦促。自古無長生，何爲日奔逐。出郭望荒郊，累累冢相屬。桑海幾變遷，人事累反覆。昨者樹松櫛，今則藝種稜。不能作達觀，安得遂初服。

擬古

故人出門去新人入門來顏色本無異君意已莫回
新人來何遲故人去不早來時三春花去時九秋草
勞勞下山歌織素爲誰好

登燕子磯

一峰突江濬亭子赤闌護不見石飛燕但有風鳴樹
濤聲日砰訇人影等鷗鷺茫茫萬頃波有楫不敢渡
懷哉東廣微第述近游賦

侍大父游法螺菴

杖履從游慣看山到法螺白雲迷曲徑紅葉落層阿
石激泉聲細風來鳥語多探梅還有約改歲擬重過

放溜

放溜江心好孤帆越曉行星稀天漸闊風正浪逾平乍
指金山寺旋過鐵甕城榜人歌白苧次第數歸程

過百花莊

獨擢長涇入徐聽槽軋鴉女桑風戾葉官柳雪飛花衆
鳥掠高樹羣蛙吠溪沙不知茅屋低幾日動縑車

李菊房 十首

菊房字南永號花農徵士良年之孫上舍潮偕
子太學生有芋田詩草

王孝廉別業看松竹

君公杜門三十載鄰女里兒皆不識茅堂種松松十圍

霜皮盡作古鐵色，墻陰落花蜂作團。
有客到戶君猶眠，承塵下與瓶洗綠。
上番已植千琅玕，短鐙折足青模糊。
閑家蘭香買得無，君不見野鳥呼風江總宅。
謝公五畝空陳跡，松竹相輝有如此。
君不爲歡復何益。

渡黃河

擊汰清秋遠，蒼茫憶舊過。
雲屯郟子國，沙帶射陽陂。
雌霓中流見，雄風向晚多。
布帆無恙在，歌笑涉黃河。

立秋後一日懷繆崖畧客維揚

獨坐西風急，淒淒庭樹凋。
清秋已昨日，離思滿今朝。
落照孤城遍，青山別路遙。
音書不可寄，愁絕廣陵潮。

秋思限忙字

獨坐西風急清砧處處忙十年悲作客覽鏡鬢成霜征
雁遙天沒秋山歸路長音書如可達一寄水雲鄉
遙憐五湖曲游屐入秋忙月白芙蓉雨林丹橘柚霜生
憎歸夢短轉覺漏聲長不及雙飛燕年年返故鄉

除夕限韻

明朝移鳳笑今夕已春風寒雪有時盡愁城何日空樽
浮栢葉翠燈綴玉蟲紅記得先賢句棊聲守歲中

江北道中同陳子方

沙路崎嶇不暫停同游親串此同經何曾野岸逢秋樹
只有荒天帶翠屏白草過于新築舍黃河移向舊郵亭
車鈴杳杳邨春急可有思鄉客耐聽

對菊限韻

蕭閒幕府把杯寬
黃菊盈盈近歲寒
未許春芳輕作伴
獨留晚節後時看
畫簾香逐微風入
銀燭光迴瘦影攢
樂飲不辭更漏永
紛紛涼月落金盤

飄泊

飄泊畿南絕可哀
破窻土室一燈頽
慚無白水真人到
那得青州從事來
送酒虛聞王刺史
借車誰似庾蒲臺
片帆早向江南岸
春館清尊處處開

羊城官舍題沈西庚所作東坡看梅圖王慧音同
作

屋角宜人檀萼鬚
茶瓜留客走僧誰
不知憔悴枕榔日

博得圖中此景無

徐懷仁 二十六首

懷仁字元仲號柘南孝廉剛振之孫諸生燦然
子嘉興儒學生有柘南詩集

古詩

憶與君別者乃在狼居胥臨觴歡不足良會在須臾北
風吹原野白日沈桑榆四顧何蕭條轅馬鳴道隅人壽
無百年莫保千金軀贈子以自愛出入承明廬
北風吹勁草惻惻歲云暮溪魚抱層冰嶺梅吐寒素念
我同心人豈繫尊酒故託身一失所相隔在中路綿遠
川路長心思不得度尺書金石緘慎勿墮雲霧

楊叛兒

楊叛兒淚如雪
夜夜思朝朝別
陌頭楊柳長青青
東風吹絮化作萍
拾萍萍無蒂
搖蕩春江濱
江濱少婦天冶色
彈絃未就心惻惻
郎君愛聽楊叛兒
碧玉小家歌不得

春愁曲

用溫飛卿原韻

鴨綠遶隄春色冷
轆轤牽繫金絲綆
一雙孔雀飛繡屏
葳蕤日氣烘簾影
畫眉愁壓青螺重
乳燕嬌酣語殘夢
同心梳子發金慵
恨隔秦臺紅尾鳳
香蘭吹氣何揚揚
柳枝墜地桃葉長
東城年少衛公子
歌風嘲月過雲塘

聖女歌

桂葉刷風響遙塢蠻童蠻女擊蠻鼓花袍白馬佇聖郎
喝下青鸞踏煙舞相思木帖邀雲旗一口紅霞灑空吐
紛紛玉簡細字書重檢青宮學仙譜

吳伊人石硯歌

吳生朝示一古硯瑩瑩炫我雙瞳子中央苔滑周四角
易簡法譜得毋似去年云從肇慶得墨光噴薄自茲始
我聞林夫有丹石色若芙蓉渠出秋水石沉水沒何處求
至今割得端州紫

江行口號

長日風濤險舟行又過春危橋帶山郭野廟俯江濱水
驛宵聞柝殊鄉晝問津江南笋蕨好猶有未歸人

穀雨日父山登眺同朱沅芷間賦

十里父山近招尋穀雨天野花紛在眼巖井舊分泉東山

峯神祠旁有古井泉春塢竹蘿陰貝瓊父史山詩有煙

夕陽桑柘煙自來吟眺好重此感華年

七里瀧次韻

百丈山高處江流鎮日清初經下瀨水獨自峭帆行浩

浩隱淪趣唐羅隱詩于陵悠悠風雅情風雅留芳躅有

瀧弔方自來形勝絕足使淡浮名干句也

桐廬曉發次韻

望裏杳無際江城宿霧開朝喧來水市野色轉山隈曲

渚菴帆遠行廚卯飯催桐溪從此發岸岸草如推

滄浪亭次韻

地以人斯重流傳直到今子亭遺跡久長史抗懷深白
日臨春渚清風想素襟坐聽芳樹杪斷續有禽音

菜花魚同邵棠村家孟石根賦

買取筠籃對酒壺桃花潭口問溪奴未輸於越三秋鰕
差抵吳淞四月鱸野處襟懷憑節物江鄉風味屬吾徒
韓侯飲餞歌風日也有纖鱗入饌無

南徐

歌吹年年競狹斜南徐勝日景還賒聽殘水調揚州曲
看遍春風豆蔻花廢苑祇今辭翠輦蜀船何處感沉沙
翩翩文雅諸年少紫綺衣裳鬪麗華